

清文評註讀本
第一冊



数据加载失败，请稍后重试！

四版訂正

清文評註讀本

上海文明書局印行



数据加载失败，请稍后重试！



数据加载失败，请稍后重试！

編輯歷代文評註讀本之緣起

國文爲各學之根據。坊刻讀本。多于束筭。審其內容。實無一適用之善本。使師若弟得滿意之授受。此非不佞之私言。乃教育家實驗後之公言也。初小讀本之義取員活。高小讀本之遵守部令。選作雜糅者無論矣。其自由選本爲中學師範等校所應用者。選政之操。大都藉手名人。高著眼孔。自適己意。未參教席。有類襍襍。閉門造車。苦不合轍。其病一也。或拘牽學制。以修短爲深淺之分。或謹守師承。以派別標去取之準。井蛙陋見。障害殊深。其病二也。秦漢以還。迄於近代。作家輩出。僂指難終。向若而驚。望洋而歎。震其名。高習熟充數。其病三也。文有體格之各殊。人有時代之互異。舉此漏彼。模範何從。盧後王前。次序倒置。其病四也。說理尙評。或支離而失實。解義用註。或牽引而亂真。字沿金銀。伏獵之訛。音昧雌霓。連蜷之辨。其病五也。不佞以爲此非

小故。文學之絕續。國粹之存亡。有絕大關係焉。今歲主任本局。提議及此。通函各校。廣徵意見。沆瀣之合。一律贊成。尅期分任。計著手以至於今。八閱月而告成。命名曰歷代文評註讀本。首以清文。涂所由入也。繼以宋元明文。唐文。南北朝文。殿以秦漢三國文。升堂入室。美富罄於此矣。懇誦之子。三載可竟。得此二百餘文人。作導師。六百餘名。構作範本。呬唔涵泳。爛熟胸中。息之深深者。自達之亶亶。臨文時有不極左宜右有之樂者乎。至於評選之慎。註釋之詳。音讀之正。兢兢以前五病爲戒。點竄校勘。稿凡五易。不佞與同人心力亦略劬於此焉。噫。文章千古。得失寸心。一字一珠。萬本萬遍。要以羣彥同情作的。願拾古人餘唾爲功。笑海孺稽固之書傭。實學界慙餘之房老。管窺所及。敢矜入穴而驪探。桃導而前。猶有識途之馬在。

序

又至清代極盛難繼矣有周秦之神知而不吊詭有兩漢之典博而不炫奇有魏晉六朝之穠豔而不纖巧有唐之閎肆而無屠沽叫囂之習有宋之雅正而無道學塵腐之氣莘莘學子當作文之初步求最近之師資舍清末屬有可斷言不佞曩輯清文滙時自順康以及同光搜集至一千餘家於其中博觀約取手錄百三十篇不名一家不拘一格議論驚闢事實新穎興味濃厚篇幅短簡皆今日選家屐齒所未經歲時餘暇贅以評論

亦有宋及前人者

敝帚自

享秘諸篋衍友人發而見之詫爲得未曾有傳鈔殆徧各校試行僉以爲便今歲主任本局悼於國文之放廢坊刻之鮮善本與二三教育專家討論研究有歷代文讀本之選而以此爲初桃之導沿流溯源而宋元明而唐而南北朝而秦漢三國中材之子以次循誦四五寒暑可竟其業上下千古貯此

數百篇名構於胸中而猶未能融會貫通洋洋灑灑以自成其文者不佞敢
決其理之必無也是編之成從事於註釋音讀者沈君伯經郭君紹虞之力
爲多點竄改易至再至三不佞雖時參末議猶未敢自信無憾焉因道其由
來於簡首

吳興王文濡識

編輯大意

一 詩宜順讀學詩者必先讀古詩文宜逆讀學文者必先讀近世文本編以清文爲權輿誠以周秦至今文界百變而體製派別莫備於清挈領提綱升堂入室此爲始基且與現行學令之讀法脗合

二 編者廁身學界有年深知甘苦茲編之選多親經講授之文益以各校之試用同人之實驗成績昭然造車合轍自信不謬

三 清名家文專集總集之見於坊刻者編者實無所不覽本編約取之不爲少要以興味濃厚爲主以古人之興味掖起學生之興味俾知行文自有樂境而後進而益上有相引無窮之趣

四 本編所選論辨文則取其警闢記敘文則取其新穎碑祭文則取其沈摯書序文則取其軒爽而達情傳狀文則取其樸實而麗理他讀

本亦均本此旨反是者文雖佳不錄

五 分類之法莫善於桐城姚氏之古文辭類纂本編恪遵其例撰者之次第一以時代爲序詳其體格可以尋類而知歸審其後先可以知人而論世

六 文無定法一孔陋儒逞其臆見多加乙勒剖分段落此大謬也本編於文之精要處加圈點以識別之附以評語或宣題中之蘊或揭題外之旨要以語無泛設取便學者之領會而已

七 作者時代爵里行誼大略著述總目均詳其人之下至題目之來歷體格之肇始以及文中注重之處莫不一一釋明俾讀者有俯拾卽是左右逢源之樂

八 讀書不識字爲近日之通病本編於不經見之字及字雖習見而非

用其本義者一一添注音切分別四聲夾入文內用便讀時順利如

一音

增一字於文之右下或作讀若某及某字某聲

兩音

兩字並列

切音

作某某切

古文

作古某字

通假字

作通某

讀者務

須注意認明以防差誤

九

本局所輯歷代文讀本五種統計五百七十餘篇短簡者居其多數中材約五年可卒業選讀則不逾三載凡中學大學師範學校私家學塾文學專修之學子無不合用而此編尤適宜於高小學校明於教育者當不河漢斯言

十

本編五種以二百餘日之時間十餘人之分任星夜從事調查典實校正疑難點竄改易心力不爲不盡惟急於觀成倉卒告竣疎漏之處自知不免當世鴻碩進而教之謹九頓首以謝

清文評註讀本第一冊目次

論辨

郡縣論

顧炎武

蔡邕論

顧景星

雜說

魏祥

狙擊論

周容

子房擊秦論

毛際可

王猛論

侯方域

名論

汪琬

張禹論

賀貽孫

曹娥叔先雄兩孝女辨

賀貽孫

廉頗論

賀貽孫

市聲說

沙張白

嫂叔無服說

朱軾

忠義辨

陳祖范

淳于先生謂齊王

胡天游

命說

胡天游

王通中說論上

陳兆崙

師制服議

杭世駿

梁鴻論

沈德潛

弈喻

錢大昕

辨睢陽妾報復之誣

李榮陸

說犬 陳庚煥

其二 陳庚煥

王安石蘇洵論 王慶麟

漢高帝論 周樹槐

韓非論 梅曾亮

說居庸關 龔自珍

蓋寬饒論 魯一同

清文評註讀本第一冊目次終

清文評註讀本 第一冊

論辨

郡縣論

九首錄一○分天下爲列國而建諸侯者爲封建之制分天下爲郡縣而置守尉監者爲郡縣之制至秦始皇時以封建諸侯易啓戰爭故改封建爲郡縣後世宗之○論名起於論語然非文家之所謂論也史於志傳後必有論文選採之別爲史論古今論史之文準此

顧炎武

明遺民初名絳字寧人江蘇崑山人自署蔣山傭學者稱亭林先生年十四爲諸生以貢薦授兵部司務明亡凡六謁孝陵六謁思陵往還關隴河北之間凡十年晚乃卜居

華陰康熙間舉鴻博修明史力辭不赴著有詩文集日知錄求古錄顧氏石經考等書

知封建之所以變而爲郡縣則知郡縣之敝而將復去聲變然則將復變而爲封建乎曰不能有聖人起寓封建之意於郡縣之中而天下治矣蓋自漢以下之人莫不謂秦以孤立而亡不知秦之亡不封建亡封建亦亡而封建之廢固自周衰之日而不自於秦也封建之廢非一日之故也雖聖人起亦將變而爲郡縣方今郡縣之敝已極而無聖人出焉尙一一仍其故事此民生